

P. 66, L. -5【投三諦地】「投足」：1. 踏步；舉步。2. 栖身；投宿。～《漢語大詞典》以「三止」足，投「三諦」地，動十法界見愛所住處，應可有自利利他兩方面解釋。「自利」者，自以「三止」安住「三諦」中，撼動自心見愛無明地。「利他」者，舉「三止」足，投往十法界「三諦」無明地上，震破一切見愛所覆之眾生心地，令眾生心破迷開悟、超凡成聖。

【三止、三諦】天台宗針對空、假、中三觀所立之三種止行。即：(一)體真止，乃針對空觀而立。謂體達無明顛倒之妄，即是實相之真者，稱為體真止。以其徹達因緣和合、諸法空無自性，故能止息一切攀緣妄想而證空理；空即是真，故稱為體真止。若達此境地，則發定，開慧眼，能見第一義，成就真諦三昧。(二)方便隨緣止，又作方便止、繫緣守境止。乃針對假觀而立。菩薩隨緣歷境，心安於俗諦而不動，稱為方便隨緣止。蓋菩薩知空非空，故能善巧方便，隨緣分別藥病，以教化眾生，並安於俗諦，心不為外境所動。此能開法眼，成就俗諦三昧。(三)息二邊分別止，又作制心止。乃針對中觀而立。指不分別生死與涅槃、有與無等二邊之相。蓋前述之第一止偏於真，第二止偏於俗，俱不合於中道。既知真非真，則為空邊寂靜；知俗非俗，則為有邊寂靜，亦即息真俗二邊而止於中諦。若達此境，則發中道定，開佛眼，成就中道三昧。～《佛光大辭典》

P. 66, L. -5【常精進】《佛說阿彌陀經》卷 1：「并諸菩薩摩訶薩，文殊師利法王子、阿逸多菩薩、乾陀訶提菩薩、常精進菩薩，與如是等諸大菩薩。」《阿彌陀經疏鈔》卷 2：「【疏】常精進者二義。一者天台云。見法性常住。行無作正勤故。二者寶積經云。此菩薩為一眾生經無量劫。隨逐不捨。猶不受化。曾無一念棄捨之心。乃精進之至極也。」(X22,p.631,c21-24)「【鈔】二義者。一是自利。未生善增長。已生善保持。未生惡預防。已生惡速滅。名四正勤。而言見性無作。則了知法性，本非善非惡。雖云修善。不修而修。雖云去惡。不去而去。所謂一念不生。是真精進故。二是利他。為多眾生。猶未為難。今日為一眾生。少時為一眾生。猶未為難。今日無量劫。多劫而易可化度。亦未為難。今日猶不受化而不棄捨。不棄捨猶未為難。今日無一念棄捨。如是精進。更無退墮。故名曰常。又不休息。必常精進。常精進。必不休息。此二菩薩。亦名殊而德一者也。」(X22,p.632,a1-10)「寶積經」出處?查詢不到。但有如下經句：《大寶積經》卷 85〈21 授幻師跋陀羅記會〉：「有四種法是菩薩道。若

能修行，速當得至菩提道場。云何為四？一者於菩提心永不退失，二者於諸眾生常無棄捨，三者一切善根求無厭足，四者護持正法起大精進。」「復有四法正思惟心應善修學。云何為四？一者菩薩乃至為一眾生，於無量劫受生死苦；二者應先了知一切眾生根性差別，而為說法令捨煩惱；三者應當斷一切惡、修一切善，降伏魔軍，證於阿耨多羅三藐三菩提；四者當為三千大千世界無量眾生，以一梵音演諸法要。」(T11,pp.489c28-490c17)

P. 66, L. -3【思益經】《思益梵天所問經》卷 3〈談論品 7〉：「無疲倦菩薩言：「若恒河沙等劫為一日一夜，以是三十日為一月，十二月為歲；以是歲數，若過百千萬億劫得值一佛；如是於恒河沙等佛所，行諸梵行，修集功德，然後受阿耨多羅三藐三菩提記，心不休息，無有疲倦，是名菩薩。」」(T15,p.48,c4-9)

P. 67, L. 3【普超經】《文殊支利普超三昧經》卷 1〈正士品 1〉：諸菩薩會坐，各各講論：「當以何方便誓，被戒德鎧，而能逮茲大乘佛乘、諸通慧乘、不可思乘，斯應道乎？」「寶掌菩薩曰：「仁者當知，被上德鎧，乃至佛慧，無能沮敗，令釋大乘。若於夢中，不志二乘聲聞、緣覺，常以實心、諸通慧心，為人講宣。於珍寶心，無所貪惜、無所愛恪，勸眾大乘，誓被德鎧，彼所學乘，非無有乘，不增不減，其心如是，無所歆慕，則應大乘諸通慧矣！」」(T15,p.406c15-p.407,a24)《法華文句記》卷 2〈釋序品〉：「釋寶掌者，先釋掌，次『令釋』下釋寶。掌謂身分，既被上鎧，身分堅固，以其固掌法身之分，尚出無上出世之寶，況復世寶？故此兩寶，必具四悉，於中云『不志二乘』者，簡法寶濫。通慧心者，從實起通，通是慧性，故云通慧。」(T34,p.185,a10-15)

P. 67, L. 6【悲華經】《悲華經》卷 6〈諸菩薩本授記品 4〉：「賢劫諸佛垂成佛時，願我在初奉施飲食，般涅槃後收取舍利，起塔供養。護持正法，見毀戒者，勸化安止，令住持戒；……刀兵劫時，我當教化一切眾生，持不殺戒乃至正見，於十惡中，拔出眾生，安止令住十善道中，滅諸盲冥，開示善法。…於飢饉劫，我當勸化一切眾生，安止住於檀波羅蜜，乃至般若波羅蜜亦如是。…於疾疫劫，我當教化一切眾生，悉令住於六和法中，亦令安止住四攝法，眾生所有疾疫、黑闇，當令滅盡。…一千四佛於半劫中出世、涅槃、正法滅已，然後我當成阿耨多羅三藐三菩提。」(T03,p.202,c10-p.203,a2)「佛即讚持力捷疾：『善哉！善哉！善男子！汝於來世作大醫王，令諸眾生離諸苦惱，是故字汝為火淨

藥王。』「佛告火淨藥王：『汝於來世，…賢劫中一千四佛垂成阿耨多羅三藐三菩提，汝當悉得奉施飲食，乃至如上汝之所願。那羅延勝葉般涅槃後，正法滅已，汝當成於阿耨多羅三藐三菩提，號樓至如來…」(T03,p.203,b7-16)【樓至佛】賢劫千佛中之最後成佛者。《法華文句記》卷2〈釋序品〉：「火淨」者，從燒身立名。」(T34,p.185,a17-18)「燒身」，參考本書：p. 691。

P. 67, L. 9【勇施菩薩】《法華經指掌疏》卷1：「勇施菩薩者。為欲滿足六波羅密。勤行布施。心無憊惜。乃至頭目髓腦。身肉手足。施於乞者。亦不怯弱。今列其名者。以布施率萬行之首。欲成佛果。惟此為要也。」(X33,p.493,a17-20)

P. 67, L. 10【寶月菩薩】《文句》、《記》無釋，本書中以「能證智」照「所證諦」釋寶月二字，如《授手》。《法華經授手》卷1〈序品第一〉：「思益云。菩薩常修童子梵行。乃至不以心念五欲。何況身受。故名寶月。」(X32,p.617a8-9)《法華經指掌疏》卷1：「寶月菩薩者。借喻為名。月以摩尼為體。麗中天而千江現影。喻菩薩以真如為身。朗性天而萬類顯形。今列其名者。以此經乃體用全彰。非若人不足與有為也。」(X33,p.493,a20-23)

P. 67, L. -6【月光菩薩】《法華經授手》卷1〈序品第一〉：「月光。謂圓妙三智。能除昏煩熱惱。猶如月光清涼破暗故。」(X32,p.617a9-10)《法華經指掌疏》卷1：「月光菩薩者。月以清涼表定。光以照耀顯慧。定慧具足。方契佛乘。故列其名。以為有志佛道者法。」(X33,p.493,a23-b1)

P. 67, L. -5【滿月菩薩】《法華經指掌疏》卷1：「滿月菩薩者。自覺聖智圓滿。如望夜月故。然此經唯佛與佛。乃能究盡。非聖智圓滿者。無所由明。故列其名也。」(X33,p.493,b1-4)

P. 67, L. -4【大力、無量力】《法華經指掌疏》卷1：「大力菩薩者。以度生為己任。以至果為限期。任重道遠。不退不屈。若斯人者。乃可續佛慧命。傳佛聲教。故特列其名。無量力者。用周三際。化滿十方。方際相涉而分量莫窮。化用交絡而神力無限。此經之所以流通無盡者。端賴斯人。故列其名。以為弘經者法。」(X33,p.493,b4-9)

P. 67, L. -3【越三界】《法華經指掌疏》卷1：「越三界者。居塵不染。處有不繫。本為成就眾生。旅泊三界。權作空華佛事。實欲淨佛國土。不出一真。

徧現遊戲神通。如是之人。乃可津梁末法。流通聖典。故列其名。以為四依之準。」(X33,p.493,b9-12)

P. 67, L. -2【善守、思益經】《思益梵天所問經》卷 3〈談論品 7〉：「跋陀婆羅賢士言：『若菩薩眾生聞其名者，畢定於阿耨多羅三藐三菩提，是名菩薩。』」(T15,p.49,a8-10)《無量壽經》：賢護等十六正士。《大智度論》卷七謂善守等十六菩薩是居家菩薩，《大智度論》卷 7〈序品 1〉：「善守菩薩是王舍城舊人，白衣菩薩中最大。佛在王舍城欲說般若波羅蜜，以是故最在前說。復次，是善守菩薩，無量種種功德，如《般舟三昧》中，佛自現前讚其功德。」(T25,p.111,a15-19)

P. 68, L. 2【彌勒】《思益梵天所問經》卷 3〈談論品 7〉：「彌勒菩薩言：『若菩薩眾生見者，即得慈心三昧，是名菩薩。』」(T15,p.49,a17-18)《悲華經》卷 5〈諸菩薩本授記品 4〉：「五濁惡世，人民壽命稍稍減少，乃至十歲刀劫復起，我於爾時當從天來擁護眾生，為現善法，令離不善法，乃至安住十善法中，離於十惡煩惱諸結，悉令清淨，滅五濁世眾生，乃至人壽八萬歲，爾時，我當成阿耨多羅三藐三菩提。」(T03,p.200,c29-p.201,a5)

P. 68, L. 5【寶積】《法華經指掌疏》卷 1：「寶積菩薩者。什師注淨名經云。積聚智慧寶。故名寶積。火宅喻後偈云。斯法華經。為深智說(p. 283：-2)。故列其名。以為受道者勉。」(X33,p.493,b22-c1)

P. 68, L. 6【導師】《思益梵天所問經》卷 3〈談論品 7〉：「導師菩薩言：『若菩薩，於墮邪道眾生生大悲心，令入正道，不求恩報，是名菩薩。』」(T15,p.48,c10-11)